

Sakspapir

Saksbehandler	Arkiv	ArkivsakID
Jo Bjarte Tømmerbakke	FE-002	21/209

Saksnr	Utvalg	Type	Dato
031/2021	Formannskapet	PS	21.10.2021
	Kommunestyret	PS	

Justering av kommunegrensa - Alver, Modalen og Masfjorden

Tilbakemelding frå Modalen kommune

Forslag til vedtak:

Modalen kommune støttar innbyggjarinitiativet til konsekvensutgreiing av grensejustering mellom Alver og Modalen kommunar.

Modalen kommune bed om at tilhøva som vert gjort greie for nedanfor vert teke med i ei evt konsekvensutgreiing.

Saksopplysningar:

Bakgrunn

Statsforvalteren har 12.07.2021 motteke ein søknad om grensejustering frå innbyggjarar og næringsdrivande i gamle Romarheim-Urdal skulekrins i Alver kommune, sjå vedlegg. Det vert søkt om at gamle Romarheim-Urdal skulekrins (Indrefjorden), vert ein del av Modalen kommune, alternativt ein del av Masfjorden kommune.

Statsforvalteren vurderer at dette må reknast som ein søknad om utgreiing av grensejustering etter inndelingslova § 8 første ledd. Statsforvalteren legg også til grunn at søknaden er sett fram av nokon med initiativrett etter inndelingslova § 8 første ledd. At ein har initiativrett inneber at ein har krav på å få vurdert om det skal setjast i gang ei nærare utgreiing av spørsmålet om grensejustering. I samsvar med inndelingslova § 8 fjerde ledd tredje setning vert Alver kommune, Modalen kommune og Masfjorden kommune orientert om søknaden.

Statsforvalteren ber om kommunane sine førebelse merknader til den grensejusteringa som er søkt utgreidd, under dette korleis dei førebels stiller seg til den grensejusteringa som det er gjort framlegg om. Vidare ber Statsforvalteren kommunane gjere greie for tilhøve som dei meiner vil vere av interesse for vurderinga av om spørsmålet om grensejustering skal utgreiast nærare, og tilhøve som dei meiner vil vere av interesse ved ei slik eventuell utgreiing

Vurdering

Innbyggjarar og næringsdrivande i gamle Romarheim – Urdal skulekrins i Alver kommune har søkt Statsforvalteren om utgreiing i høve justering av kommunegrensa mellom Alver og Modalen kommunar, jf vedlagt søknad. I søknaden vert det gjort greie for søkjarane sine argument for å få utgreidd saka. Modalen kommune vurderer at det ikkje vil vere mogleg å ta stilling til ei sak om slik grensejustering utan ei evt grundig konsekvensutgreiing av alle tilhøve som er relevant. Dette gjeld mellom anna økonomi(inntekter/utgifter), demografiske forhold/folketalsutvikling, barnetal sett opp mot kapasitet i barnehage og skule, pleie- og omsorg/institusjonskapasitet, kapasitet på helsetenester, dimensjonering av andre kommunale tenester og administrative funksjonar, kommunale vegar, vedlikehald, vatn og avlaup, investeringar og andre relevante tema som kan vere aktuelle i samband stor befolkningsvekst på kort tid.

For Modalen kommune vil det og vere relevant å sjå korleis Alver kommune stiller seg til denne saka. Modalen kommune er som dei fleste andre kommunar oppteken av folketalsutvikling og befolkningsvekst, men primært gjennom tilflytting og fødselsoverskot. Befolkningsvekst gjennom grensejustering har ikkje vore tema hverken administrativt eller politisk.

Konklusjon

Basert på vurderingane ovanfor ser ikkje Modalen kommune at det vil vere mogleg å ta stilling til ei slik omfattande sak utifrå den informasjonen som pr no er tilgjengeleg. Samstundes er Modalen kommune oppteken av at innbyggjarane sitt initiativ til å få vurdert konsekvensutgreiing vert teke på alvor. Kommunestyret i Modalen støttar difor at det vert sett i gang ei konsekvensutgreiing av grensejusteringa, for å kunne ha eit tilstrekkeleg kunnskapsgrunnlag å ta stilling til.

Formannskapet - 031/2021

FOR - behandling:

Samrøystes vedteke

FOR - vedtak:

Modalen kommune støttar innbyggjarinitiativet til konsekvensutgreiing av grensejustering mellom Alver og Modalen kommunar.

Modalen kommune bed om at tilhøva som vert gjort greie for nedanfor vert teke med i ei evt konsekvensutgreiing.

Vedlegg:

20210706-SoknadGrensejustering-MedKart

Orientering - justering - kommunegrensa - Alver og Modalen alternativt Masfjorden

